

ՄԵՐ ՀԱՅՐԵՐՈՒՆ ԽՐԱՏՆԵՐԸ

«Գտնել» զԱստուած


Գտնուիլ Աստուծոյ կողմէ

Կան մարդիկ որոնք կը կարծեն, թէ Աստուած «կորսուած» է իրենց կեանքին մէջ եւ անկարելի է գանձիկ գտնել: Ուրիշներ կան, որոնք կը խորհին, որ Աստուած անսահմանօրէն հեռու է մարդոցմէ, եւ հետեւաբար, զո՛ւր է գանձիկ օգնութեան կանչելու ամէն ջանք: Եսայի մարգարէն կու գայ պատասխանելու այս երկու խումբի մարդոց ըսելով. «Տէ՛րը փնտոնցէք, քանի որ անհիկա կը գտնուի. գանձիկա՛ կանչեցէք, քանի որ անհիկա մօտ է» (Ես. 55.6): ԶԱստուած փնտոնող մարդուն համար՝ գտանելի է Աստուած: ԶԱստուած կանչողին համար՝ մօտ է Ան: Եթէ կ'ուզեմք «գտնել» զԱստուած, պէտք է գանձիկ փնտոնեմք, ինչպէս մայր մը կը փնտոնէ իր կորսուած զաւակը, ինչպէս Ս. Կոյսը փնտոնեց Յիսուսը:

Նախորդ բաժինին մէջ խօսեցանք զԱստուած գտնելու մասին: Խորքին մէջ մեմք չէ, որ կը գտնենք զԱստուած, այլ՝ Աստուած ի՛նքն է, որ կը փնտոնէ եւ կը գտնէ մեզ: Յիսուս ի՛նքն էր, որ յայտարարեց, որ «Մարդու Որդին եկաւ կորսուածը փնտոնելու եւ փրկելու» (Ղկ. 19.10): Ի՛նքն էր, որ գտաւ կորսուած ոչխարը: Ի՛նքն էր, որ գնաց եւ գտաւ Բեթհեզդայի անդամալոյծը (Յհ. 5.5-7): Ի՛նքն էր, որ փնտոնեց եւ գտաւ բժշկուած ի ծնէ կոյրը (Յհ 9.35): Ի՛նքն էր, որ գտաւ ծառ բարձրացած Զակէոսը (Ղկ. 19.5): Որպէսզի Յիսուս գտնէ մեզ՝ պէտք է ունենալ զինք տեսնելու գորաւոր փափակ, ինչպէս ունէր Զակէոս: Յիսուս կը յայտնուի, ոեւէ մէկուն՝ որ ծարաւ ունի իրեն հանդէպ:

ԾԻՍԱԿԱՆ ԳԻՏԵԼԻՔՆԵՐ

ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



**ՊԼՏՐՈՒԹՅԱՆ ԽՈՐՀՈՐԴԻՆ ՀԱՍՏԱՏՈՒՄԸ
2.- Պատրաստութիւն ընծաներուն
Բ.- ՃԱՇՈՒ ՊԱՇՏՕՆ**


Առաջին հերթին, դպիրներ կ'արտասանեն աւուր պատշաճի ժամանուտը, ապա կ'երգեն ճաշու շարականը: Ժամանուտը եւ ճաշու շարականը ներբողականներ են, ուղղուած օրուան տէրունի տօնին կամ ոգեկոչուող սուրբին, որոնց կը յաջորդէ Երեքսրբեան փառաբանանքը՝ Սուրբ Աստուածը:

Աստուածային փառքն է, որ կը ճառագայթէ եւ կ'ողողէ ողջ եկեղեցին: Սուրբ է Աստուածորդին, Սուրբ եւ Հօր է Աստուածորդին, Սուրբ եւ Անմահ է Աստուածորդին, որ մեզի համար Մարմնացաւ, մեզի համար Խաչուեցաւ, եւ մեզի համար Յարութիւն առաւ:

Աստուածորդոյն սրբութեամբ օծուն ... Շարունակելի



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



ՔՈՒ ԽՕՍՔԻ ԽՄ ՈՏՔԵՐՈՒՄ ԵՐԱԳ Է ՈՒ ԽՄ ԸԱԽԻՂՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ ԿԻՐԱԿԻ, 14 ԱՊՐԻԼ 2024 ԹԻԻ 15

**ԿԻՐԱԿԻ ՕՐԵՐՈՒ ԱՍՏՈՒԱԵԱՇՆՉԱԿԱՆ ԸՆԹԵՐՑՈՒՄՆԵՐ
Գրծ. 9.23-31: Ա. ժտ. 2. 1-10: Յհ. 2.23-3.12:**

**ԱՇԽԱՐՀԱՄԱՏՐԱՆ (ԿԱՆԱԶ ԿԻՐԱԿԻ)
ՅԻՍՈՒՄ ԶՐԻՍՏՈՍԻ ԱՄԵՏԱՐԱՆԸ
ԸՍՏ ՅՈՎՀԱՆՈՒ 2. 23-3. 12**

Զատիկի տօնին, մինչ Յիսուս Երուսաղէմ կը գտնուէր, շատեր հաւատացին իրեն, երբ տեսան անոր գործած հրաշքները: Սակայն Յիսուս ինքզինք չէր վստահեր անոնց, որովհետեւ բոլորն ալ կը նանչնար եւ պէտք չունէր, ոեւէ մէկուն մասին ուրիշին վկայութեան, քանի որ ինք գիտէր, թէ ի՛նչ կայ այդ մարդուն սիրտին մէջ:

Նիկողէմոս անունով փարիսեցի մարդ մը կար, որ հրեայ իշխան մըն էր: Գիշերով Յիսուսի մօտ եկաւ եւ ըսաւ անոր. «Վարդապետ, գիտեմք, որ դուն Աստուծոյ կողմէ դրկուած ուսուցիչ մըն ես, որովհետեւ ո՛չ ոք կրնայ գործել քու կատարած հրաշքներդ, եթէ Աստուած անոր հետ չըլլայ»:

Յիսուս պատասխանեց անոր. «Հաստատ գիտցի՛ր, որ եթէ մէկը վերստին չծնի, չի կրնար տեսնել Աստուծոյ արքայութիւնը»:

Նիկողէմոս հարցուց անոր. «Ծեր մարդ մը ինչպէ՞ս կրնայ նորէն ծնիլ: Կարելի բա՞ն է, որ ան կրկին մտնէ իր մօր որովայնը եւ ծնի»:

Յիսուս պատասխանեց. «Վստահ եղի՛ր, որ եթէ մէկը ջուրէն եւ Հոգիէն չծնի՛ չի կրնար երկինքի արքայութիւնը մտնել, որովհետեւ մարմինէն ծնածը մարմին է, իսկ Հոգիէն ծնածը՝ հոգի: Դուն մի՛ գարմանար, որ քեզի ըսի, թէ պէտք է կրկին ծնիք: Հովը, ուր որ ուզէ կը փչէ: Դուն անոր ձայնը կը լսես, բայց չես գիտեր՝ թէ ուրկէ կու գայ եւ ուր կ'երթայ: Նոյնպէս են բոլոր անոնք, որոնք Հոգիէն կը ծնին»:

Նիկողէմոս հարցուց. «Ինչպէ՞ս կը պատահի անհիկա»:

Յիսուս պատասխանեց. «Դուն, որ Իսրայէլի ժողովուրդին վրայ ուսուցիչ կարգուած ես, անհիկա չե՞ս գիտեր: Վստահ եղի՛ր, թէ ինչ որ գիտեմք՝ կը խօսինք եւ ինչ որ տեսանք՝ անոր մասին կը վկայենք, բայց մեր վկայութիւնը չէք ընդունիր: Եթէ երկրաւոր բաներու մասին խօսեցայ ձեզի եւ չհաւատացիք, ինչպէ՞ս պիտի հաւատաք ինծի, եթէ երկնաւոր բաներու մասին խօսիմ»:

ՍՈՒՐԲԵՐ ԵՒ ՏՕՆԵՐ

ԱՇԽԱՐՀԱՄԱՏՐԱՆ ԿԱՄ ԿԱՆԱՉ ԿԻՐԱԿԻ



Աշխարհամատուռ կը նշանակէ երեւելի մատուռ կամ եկեղեցի: Բառը կազմուած է աշխարհ եւ մատուռ բառերէն: Աշխարհամատուռ, նաեւ կը նշանակէ աշխարհի առաջին մատուռը: Զատկուան տօնին յաջորդող երկրորդ Կիրակին եկեղեցական տօներու շարքին, կը յիշատակուի նաեւ Աշխարհամատուռ կամ Կանաչ Կիրակի տօնը: Աշխարհամատուռը, մեզի կը յիշեցնէ Քրիստոնէութեան առաջին մատուռը, որ հիմնուեցաւ վերնատան կից, առաքելներու կողմէ:

Առաքելները՝ Յիսուսի կարգադրութեան համաձայն, Իր համբարձումէն յետոյ, կը հաւաքուէին վերնատուն՝ Սիոնի բարձունքին, կը յիշէին իրենց վարդապետը եւ կը կատարէին վերջին ընթրիքի ժամանակ Անոր տուած պատգամը: Կ'օրհնէին հացն ու գինին, միասին կ'աղօթէին եւ միասնաբար կը ճաշէին: Հաւաքական կեանք կ'ապրէին: Աշակերտներուն հաւաքոյններու առաջին աղօթավայրը կոչուեցաւ աշխարհի առաջին եկեղեցին, աշխարհամատուռ եւ անոր յիշատատակին եկեղեցւոյ մէջ նշանակուեցաւ տօնական օր մը:

Աշխարհամատուռան տօնը կրօնական եւ եկեղեցական տեսակետէն մեծ նշանակութիւն կը ներկայացնէ: Ան Քրիստոսի հաստատած Խտէլ եկեղեցին էր, եւ այս օրերու Քրիստոնէայ աշխարհի, մանաւանդ եկեղեցւոյ կրօնապետներու երազած խտէլ եկեղեցին է, ուր բոլոր Քրիստոնէաները կրնան միասնաբար աղօթել, հաղորդուիլ եւ գործել:

Աշխարհամատուռան Կիրակին կը կոչուի նաեւ՝ Կանաչ Կիրակի: Կանաչ կոչումի նշգրիտ իմաստը ծանօթ չէ մեզի: Ոմանք այլաբանական իմաստ կը տեսնեն, որպէս նմանութիւն բնութեան եւ առաջին եկեղեցւոյ միջեւ: Կանաչ Կիրակին կը նմանցնեն բնութեան մէջ ծաղկող, ծլարձակող եւ անող կեանքին, որ կենդանութիւն ու թարմութիւն կու տայ աշխարհին եւ մարդկութեան: Աշխարհամատուռն ալ, որպէս Քրիստոսի ցանած սերմի առաջին կանաչ ծիրը՝ անցաւ, ծլարձակեց, բազմացաւ եւ դարձաւ աշխարհի վրայ տարածուած եկեղեցին:

ԱՂՕԹՔ Ե. ԱՍՈՐԻ

Մի՛ յայտարար ողորմելու ինձի, Տէ՛ր. առանց Քու ներգործութեանդ բարին երբեք չի գործեր իմ մէջս, եւ սերմանուածը չի բուսնիր հոգիիս անդաստանին մէջ, որովհետեւ իմ մէջս նետուած Քու խօսքիդ սերմը, քաղեց չար թշնամին, եւ բուսածը չորցաւ տապէն, իսկ միւսը, փուշերուն մէջ իյնալով, խեղդուեցաւ ու չորցաւ:

Տէ՛ր, լծէ աչքերս, ինչպէս մշակը անոլին, որ անդադար արտասուագոչ պաղատիմ Քեզի արժանի ուրախ Քու ողորմութեանդ:

Հ ՈԳԵՒՈՐ ՊԱՏ ԳԱՍ

ՆԱԽ ԼՍԵՆՔ, ՅԵՏՈՅ ՎԿԱՅԵՆՔ

Սամարացի կինը լսելէ ետք Քրիստոսը, Սամարիա վազեց եւ այդտեղի բնակիչներուն ըսաւ. «Եկէ՛ք տեսէ՛ք: Մարդ մը կայ, որ իմ բոլոր ըրածներս ըսաւ ինձի: Արդեօք ա՞ն է Քրիստոսը» (Յհ. 4.29): Եկեղեցւոյ հայրերը Սամարացի այս կինը կոչած են Սամարիա քաղաքին առաջին Աւետարանիչը: Բայց այս կինը զՔրիստոս անտեսել է անտարանելէ առաջ, նախ լսեց Քրիստոսը:

ՄԵՐ ՍՈՐՎԵԼ ԻՔ Հ ՈԳԵՒՈՐ ԴԱՍԸ

Խօսելէ ու վկայելէ առաջ Քրիստոսի մասին, նախ պետք է լսենք Քրիստոսի ձայնը, ինչպէս Սամարացի կինը ինք լսեց, եւ յետոյ միայն երթանք ուրիշներուն, պատմենք անոնց Յիսուսի սիրոյն մասին, եւ հրաւիրենք զանոնք Քրիստոսի: Եթէ նախ լսենք Յիսուսը՝ յետոյ միայն խօսինք Յիսուսի մասին, վստահ եղէք, որ շատ մարդիկ պիտի կարենանք բերել Յիսուսի, ճիշդ ինչպէս Սամարացի կինը ինք բերաւ: Դժբախտութիւն է աշխատանք տանիլ մարդիկը արքայութեան դուռին մօտեցնել, երբ մենք դժոխքի դուռին քով վրան բացած ենք:

ՈՍԿԵՂԵՆ ՀԱՄԱՐ

Արդարներուն լոյսը միշտ վառ կը մնայ, մինչ ամբարիշտներունը՝ պիտի մարի: Նենգամիտ մարդիկ պիտի մոլորին մեղքերուն մէջ, մինչ արդարները պիտի գթան եւ ողորմին (Առակ. 13):

ԵԹԷ ԿԱՍ ԵՐԲ Կ'ՈՒԶԵՍ...

ԵՐԲ ԿՈՒԶԵՍ ԳԻՏՆԱԿ ԻՆՉՆ Է ՃԵՄԱՐԻՅ ԳՂԱՏԱՄՈՒՆԲԸ

Կարդա՛ ՍԱՂՄՈՍ 15

Տէ՛ր, ո՞վ արժանի պիտի ըլլայ տաճարիդ մէջ ըլլալու, ո՞վ արժանի պիտի ըլլայ սուրբ լերանդ վրայ բնակելու: Ան, որ անբիծ կեանք մը կ'ապրի արդարութիւն կը գործէ, եւ միայն ճշմարտութիւնը կը խորհի ու կը խօսի, որ չի գրպարտեր բնաւ, իր ընկերոջ չարիք չ'ընէր, եւ դրացին չի նախատեր: Ան, որ կ'արհամարիէ Աստուծմէ մերժուածները, մինչ կը պատուէ աստուածավախ մարդիկը: Ան, որ յանձն կ'առնէ իր երդումը յարգելով վնաս կրել, քան թէ իր խօսքը դրժել:

Ան որ իր դրամը տոկոսով չի տար, եւ կաշառքի փոխարէն անմեղին դէմ վկայութիւն չի տար: Այսպէս ասպրողը երբեք պիտի չսասանի՝

ԱՂՕԹՔ

Տէ՛ր, մեղքերուս համար սգացող եւ արտասուող դարձո՛ւր զիս, որովհետեւ ծանրաբեռնուած եմ անօրէնութեամբ եւ յագեցած՝ աղտոյի խորհուրդով: Շատ ներեցիր ինձի, որովհետեւ չպատժեցիր մարմինի մէջ: Սարսուղ կը դողամ, թէ [արդեօք] ինձի համար [աններելի] պիտի չմնա՞ն այսպիսի չարիքները: Կ'աղաչեմ բարեբար Տէր զիս ատեան մի՛ կանչեր եւ մի՛ մատներ զիս տանջանքներու, այլ՝ փրկէ՛ գեեներն հուրէն ու ազատէ՛ վտանգներէն, ողորմէ՛ եւ ազատէ՛ վտանգներէն, ողորմէ՛ եւ ազատէ՛ զիս, որովհետեւ միայն Դո՛ւն մարդասէր ես:

Ե. Ասորի